

摘藻堂四庫全書薈要

集部

欽定四庫全書薈要

集部

御定全唐詩卷二

欽定四庫全書薈要卷一萬七千四百六

集部

御定全唐詩卷一

太宗皇帝

姓李氏諱世民神堯次子聰明英武貞觀之治庶幾
成康功德兼隆由漢以來未之有也而銳情經術初建

秦邸即開文學館召名儒十八人為學士既即位殿左
置弘文館悉引內學士番宿更休聽朝之間則與討論
典籍雜以文詠或日昃夜艾未嘗少怠詩筆草隸卓越

前古至於天文秀發沈麗高朗有唐三百年風雅之盛
帝實有以啓之焉在位二十四年諡曰文集四十卷館
閣書目詩一卷六十九首今編詩一卷

帝京篇十首

并序

予以萬幾之暇游息藝文觀列代之皇王考當時
之行事軒昊舜禹之上信無間然矣至於秦皇周
穆漢武魏明峻宇雕牆窮侈極麗征稅殫於宇宙
轍迹徧於天下九州無以稱其求江海不能贍其

欲覆亡顛沛不亦宜乎予追蹤百王之末馳心千

載之下慷慨懷古想彼哲人庶以堯舜之風蕩秦

漢之弊用咸英之曲變爛漫之音求之人情不為

難矣故觀文教於六經閱武功於七德臺榭取其

避燥濕金石尚其諧神人皆節之於中和不係之

於淫放故溝洫可悅何必江海之濱乎麟閣可翫

何必兩

一作山

陵之間乎忠良可接何必海上神仙

乎豐鎬可遊何必瑤池之上乎釋實求華以人從

欲亂於大道君子恥之故述帝京篇以明雅志云

爾

秦川雄帝宅函谷壯皇居綺殿千尋起離宮百雉餘連
薨遙接漢飛觀迴凌虛雲日隱層闕風煙出綺疏

巖廊罷機務崇文聊駐輦玉匣啓龍圖金繩披鳳鳥一作

策韋編斷仍一作方續縹帙舒還卷對此乃淹留一作忘憂敬

案觀墳典

移步出詞林停輿欣武一作載宴瑀弓寫明月駿馬疑流

電驚雁落虛弦啼猿悲急箭閱賞誠多美於茲乃忘倦

鳴笳臨樂館眺聽歡芳節急管韻朱絃清一作長歌凝白

雪彩鳳肅來儀一作下玄鶴紛成列去茲鄭衛聲雅音方

可悅

芳辰追一作開

逸趣禁苑信多奇橋形通漢上峰勢接雲

危煙霞交隱映花鳥自參差何如肆轍跡萬里賞瑤池

飛蓋去芳園蘭撓遊翠渚萍

一作梁

間日彩亂荷處香風

舉桂楫滿中川弦歌振長嶼豈必

一作獨

汾河曲方為歡

宴所

落日雙闕昏回輿九重暮長煙散

一作引

初碧皎月澄輕

素寒幌翫琴書開軒引雲霧斜

一作銀

漢耿層閣清風搖

玉樹

歡樂難再逢芳辰良可惜玉酒泛雲壘蘭觥陳綺席千
鍾合堯禹百獸諧金石得志重寸陰忘懷輕尺璧

建章歡賞夕二八盡妖妍羅綺昭陽殿芬芳瑤瑁筵珮
移星正動扇掩月初圓無勞上懸圃即此對神仙

以茲遊觀極悠然獨長想披卷

一作襟

覽前蹤撫躬尋既

往望古茅茨約瞻今蘭殿廣人

一作入

道惡

一作慮

高危虛

心戒盈蕩奉天竭誠敬臨民思惠養納善察忠諫明科
慎刑賞六五誠難繼四三非易仰廣待淳化敷方嗣云
亭響

飲馬長城窟行

塞外悲風切交河水已結瀚海百重波陰山千里雪迴
戍危烽火層巒引高節悠悠卷旆旌飲馬出長城寒沙

連騎跡朔吹斷邊聲胡塵清玉塞羌笛韻金鉦絕漠干
戈戢車徒振原隰都尉反龍堆將軍旋馬邑揚麾氛霧
靜紀石功名立荒裔一戎衣靈一作臺凱歌入

執契靜三邊

執契靜三邊持衡臨萬姓玉彩輝闕燭金華流日鏡無
為宇宙清有美璇璣正皎佩星連景飄衣雲結慶戢武
戈一作耀七德昇文輝九功煙波澄舊碧塵火息前紅霜

野韜蓮劍闕城罷月弓錢綴榆天合新城柳塞空花銷

蔥嶺雪縠盡流沙霧秋駕轉兢懷春冰彌軫慮書絕龍
庭羽烽休鳳穴戍衣宵寢二難食旰餐三懼翦暴興先
廢除允存昔亡圓蓋歸天壤一作壤方輿入地荒孔海池
京邑雙河沼帝鄉循一作修躬思勵已撫俗媿時康元首
佇鹽梅股肱惟輔弼羽賢崆嶺四翼聖襄城七澆俗庶
反淳替文聊就質已知隆至道共歡區宇一

正日臨朝

條風開獻節灰律動初陽百蠻奉遐賁萬國朝未央雖

無舜禹迹幸欣天地康車軌同八表書文混四方赫奕

儼冠蓋紛綸盛服章羽旄飛馳道鐘鼓震巖

一作修

廊組

練輝霞色霜戟耀

一作照

朝光晨宵懷至理終媿撫遐荒

幸武功慶善宮

樂府詩題作唐功成慶善樂舞辭一曰九功舞殿庭朝會所奏

文舞也新唐書禮樂志曰太宗生於武功之慶善宮貞觀六年幸之宴從臣賞賜閭里同漢沛宛帝歡甚賦詩呂才被之管絃名曰功成慶善樂以童兒六十四人冠進德冠紫袴褶長襪赤髻屐履而舞舊書樂志曰慶善樂太宗所造也名九功之舞舞蹈安徐以象文德洽而天下安樂也冬正享燕及國有大慶與七德舞偕奏於庭

壽丘惟舊跡，鄴邑乃前基。粵予承累聖，懸弧亦在茲。弱

齡逢運改，提劍鬱匡時。指麾八荒定，懷柔萬國夷。梯山

咸一作盛入款，駕海亦來思。單于陪武帳，日逐衛文槐。端

扆朝四岳，無為任百司。霜節明秋景，輕冰結水湄。芸黃

徧原隰，禾穎積京畿。一作城共樂還鄉一作宴，歡比大風

詩

重幸武功

代馬依朔吹，驚禽愁昔叢。况茲承眷一作睿德，懷舊感深

衷積善忻餘慶暢武悅成

一作開神

功垂衣天下治端拱車

書同白水巡前跡丹陵幸舊宮列筵歡故老高宴聚新

豐駐蹕撫田畯回輿訪牧童瑞

一作王

氣縈丹闕祥煙散

碧空孤嶼含霜白遙山帶日紅於焉歡擊筑聊以詠南風

經破薛舉戰地

義寧元年擊舉於扶風敗之

昔年懷壯氣提戈初仗節心隨朗日高志與

一作比

秋霜

潔移鋒驚電起轉戰長河沒營碎落星沈陣卷橫雲裂

一揮氛沴靜再舉鯨鯢滅於茲俯舊原屬目駐華軒沈
沙無故迹滅竈有殘痕浪霞穿水淨峰霧把一作拖蓮昏世
途亟流易人事殊今昔長想眺前蹤撫躬聊自適

過舊宅二首

新豐停翠輦譙邑駐鳴笳園荒一徑斷苔古一作臺平半階

斜前池消舊水昔樹發今花一朝辭此一作北地四海遂

為一作成家

金輿巡白水玉輦駐新豐紐落藤披架花殘菊破叢葉

鋪

一作鋪庭

荒草蔓流竭半池空紉珮蘭凋

一作生

徑舒圭葉

翦桐昔地一藩內今宅九圍中架海波澄鏡韜戈器反

農八表文同軌無勞歌大風

還陝述懷

慨然撫長劒濟世豈邀名星旂紛電舉日羽肅天行徧
野屯萬騎臨原駐五營登山麾武節背水縱神兵在昔
戎戈動今來宇宙平

入潼關

峻函稱地險襟帶壯兩京霜峰直臨道冰河曲繞城古
木參差影寒猿斷續聲冠蓋往來合風塵朝夕驚高談
先馬度僞曉預雞鳴棄繻懷遠志封泥負壯情別一作向
有真人氣安知名不名

於北平作

翠野駐戎軒盧龍轉征旆遙山麗如綺長流縈似帶海
氣百重樓巖松千丈蓋一作三尺大茲馬可遊賞何必襄城

外

遼城望月

玄兔月初明，澄輝照遼碣。
映雲光暫隱，隔樹花如綴。
魄滿桂枝圓，輪虧鏡彩缺。
臨城却影散，帶暈重圍結。
駐蹕俯九都，停一作觀妖氛滅。

春日登陝州城樓俯眺原野廻丹一作碧綴煙

霞密翠斑紅芳菲花柳即目川岫聊以命篇

碧原開霧隱，綺嶺峻霞城。
煙峰高下翠，日浪淺深明。
斑紅粧藥樹，圓青壓溜荆。
迹巖勞傳想，窺野訪苹情。一作清

巨川何以濟舟楫佇時英

春日玄武門宴羣臣

韶光開令序淑氣動芳年駐輦華林側高宴柏梁前紫

庭文珮

一作樹

滿丹墀袞紱連九夷遙瑤席五狄列瓊筵

娛賓歌湛露廣樂奏鈞天清

一作盈

尊浮綠醕雅曲韻朱

弦粵余君

一作臨

萬國還慙撫

一作俯

八埏庶幾保貞固虛

已厲求賢

登三臺言志

未央初壯漢阿房昔侈秦在危猶騁麗居奢遂役人豈

如家四海日宇罄

一作整

朝倫

一作輪

翦天裁戶舊砌地翦

基新引月擎

一作繅

宵挂飄雲逼曙鱗露除光炫玉霜闕

映雕銀舞接花梁燕歌迎鳥路塵鏡池波太液莊苑麗

宜春作異甘泉日停非路寢辰念勞慙逸已居曠返勞

神所欣成大厦宏材佇

一作寵臨停

渭濱

出獵

楚王雲夢澤漢帝長楊宮豈若因農暇閱武出輟嵩三

驅陳銳卒七萃列材雄寒野霜氛

一作氣

白平原燒火紅

琯戈夏服箭羽騎綠沈弓怖獸潛幽壑驚禽散翠空長

煙晦落景灌木振

一作偃

嚴風所為除民瘼非是悅林叢

冬狩

烈烈寒風起慘慘飛雲浮霜濃凝廣隰冰厚結清流金

鞍移上苑玉勒騁平疇旌旗四望合置羅一面求楚陪

爭兕

一作麇

殪秦亡角

一作解

鹿愁獸忙投密樹鴻驚起礫

洲騎斂原塵靜戈迴嶺日收心非

一作悲

洛汭逸意在渭

濱游禽荒非所樂撫轡更招憂

春日望海

披襟眺滄海憑軾玩春芳積流橫地紀一作軸疏派引天

潢仙氣凝三嶺和風扇

一作散

八荒拂潮曉

一作雲

布色穿

浪日舒光照岸花分彩迷雲雁斷行懷卑運深廣持滿

守靈長有形非易測無源詎可量洪濤經變野翠島屢
成桑之采思漢帝碣石想秦皇霓裳非本意端拱且圖

王

臨洛水

春蒐馳

一作騁

駿骨總轡俯長河霞處流縈

一作雲

錦風前

漾卷羅水花

一作光

翻照樹堤蘭倒挿波豈必汾陰曲秋

雲發棹歌

望終南山

重巒俯渭水碧嶂插遙天出紅扶嶺日入翠貯巖煙疊
松朝若夜複岫闕疑全對此恬千慮無勞訪九仙

元日

高軒暖春色
邃閣媚朝光
彤庭飛綵旆

一作
暈

幌曜明

璫恭已臨四極
垂衣馭八荒
霜戟列丹陛
絲竹韻長廊
穆矣熏風茂
康哉帝道昌
繼文遵後軌
循古鑒前王
草秀故春色
梅豔昔年粧
巨川思欲濟
終以寄舟航

初春登樓即目觀作述懷

憑軒俯蘭閣
眺矚散靈襟
綺峰含翠霧
照日蕊紅林
鏤

丹霞錦

一作
鋪

岫殘素雪斑
岑拂浪隄垂
柳嬌花鳥續吟

連甍豈一栢
衆幹如千尋
明非獨材力
終藉棟梁深
彌

懷矜樂志更懼戒盈心媿制勞居逸方規十產金

首春

寒隨窮律變春逐鳥聲開初風飄帶柳晚

一作曉

雪間花

梅碧林青舊竹綠沼翠新苔芝田初雁去綺樹巧

一作未

鷺來

初晴落景

晚霞聊自怡初晴彌可喜日晃

一作光

百花色風動千林

翠池魚躍不同園鳥聲還異寄言博通者知予物外志

初夏

一朝春

一作初

夏改隔夜鳥花遷陰陽深淺葉曉夕重輕

煙呀鶯猶響殿橫絲正網天珮高蘭影接綬細草紋連
碧鱗驚擢側玄燕舞檐前何必汾陽處始復有山泉

度秋

夏律昨留灰秋箭今移晷峨岫初出洞庭波漸起桂
白發幽巖菊黃開灞涘運流方可歎含毫屬微理

儀鸞殿早秋

寒驚薊門葉，秋發小山枝。
松陰背日轉，竹影避風移。
提壺菊花岸，高興芙蓉池。
欲知涼氣早，巢空燕不窺。

秋日即目

英華作秋
日即事

爽氣浮丹闕，秋光澹紫宮。
衣碎荷疎影，花明菊點叢。
輕低草露蓋，側舞松風散。
岫飄雲葉迷，路飛煙鴻砌。
冷蘭凋佩闋，寒樹隕桐別。
鶴棲琴裏，猿啼峽中落。
野飛星箭弦，虛半月弓芳。
菲夕霧起，暮色滿房櫳。

山閣晚秋

山亭秋色滿巖牖涼風度疎蘭尚染煙殘菊猶承露古
石衣新苔新巢封古樹歷覽情無極咫尺一作畏輪光暮

秋暮言志

朝光浮燒野霜華淨碧空結浪氷初鏡在逕菊方叢約
嶺煙深翠分旗霞散紅抽思滋泉側飛想傳巖中已獲
千箱慶何以繼熏風

喜雪

碧昏朝合霧丹卷暝韜霞結葉繁雲色凝瑤徧雪華光

樓皎若粉映幕集疑沙泛柳飛飛絮粧梅片片花照壁
臺圓月飄珠箔穿露瑤潔短長階玉蕋高下樹映桐珪
累白縈峰蓮抱素斷續氣將沈徘徊歲云暮懷珍媿隱
德表瑞佇豐年樂間飛禁苑鶴處舞一作舞處憶伊川儻詠
幽蘭曲同懽黃竹篇

秋日敦庾信體

出淳化閣帖

嶺銜宵月桂珠穿曉露叢蟬啼覺樹冷螢火不溫風花
生圓菊藥荷盡戲魚通晨浦鳴飛雁夕渚集栖鴻颯颯

高天吹氛澄下熾空

賦尚書

崇文時駐步東觀還停輦輟膳翫三墳暉

本作輝初學記作留燈

披五典

一作日昃翫百篇臨燈披五典

寒心覩肉林飛魄看沈湎

一作夏康

既逸豫商辛亦流湎

縱情昏主多克已明君鮮滅身資累惡成名

由積善既承百王末

一作來

戰兢隨歲轉

詠司馬彪續漢志

二儀初創

一作構

象三才乃分位非惟樹司牧固亦垂文

字絲代更膺期芳圖無輟記炎漢承君道英謨纂神器

潛龍既可躍達

一作術或作
株或作置

兔奚難致前史殫妙詞後

昆沈雅思書言揚盛跡補闕興洪志川谷猶舊途郡國

開新意梅山未覺朽穀水誰云異車服隨名表文物因

時置鳳戟翼康衢鑒興

一作
衡

總柔轡清濁必能澄洪纖

幸無棄觀儀不失序遵禮方由事政宣竹律和時平玉

條備文囿雕奇彩藝門蘊深致雲飛星共流風揚月兼

一作

徐至類禋遵令典壇壝資良地五勝竟無違百司誠

有庇粵予承暇景談叢引泉

一作衆

祕討論窮義府看跋

披經笥大辨良難仰小學終先墮聞道諒知榮含毫孰忘媿

詠風

蕭條起闕塞搖颺下蓬瀛拂林花亂彩響谷鳥分聲披雲羅影散泛水織文生勞歌大風曲威加四海清

詠雨

罩雲飄遠岫噴雨泛長河低飛昏嶺腹斜足灑巖阿泣

叢珠締葉起溜鏡圖

一作圖

波濛柳添絲密含吹織空羅

詠雪

潔野凝晨曜裝墀帶夕暉集條分樹玉拂浪影泉璣色
灑妝臺粉花飄綺席衣入扇縈離

一作虛

匣點素皎殘機

賦得夏首啓節

北闕三春晚南榮九夏初黃鶯弄漸變翠林花落餘瀑
流還響谷

一作石

猿啼自應虛早荷向心卷長楊就影舒

此時歡不極調軫坐相於

賦得白日半西山

一作傍

紅輪不暫駐，烏飛豈復停。
岑霞漸漸落，溪陰寸寸生。
藿葉隨光轉，葵心逐照傾。
晚煙含樹色，棲鳥雜流聲。

置酒坐飛閣

高軒臨碧渚，飛檐迴架空。
餘花攢鏤一作漏檻，殘柳散雕

櫳。一作宮岸菊初含藥，園梨始帶紅。
莫一作却慮崑山暗，還

一作不共盡一作酒杯中。

采芙蓉

結伴戲方

一作芳

塘攜手上雕航船移分細浪風散動浮

香遊鷺無定曲驚鳬有亂行蓮稀釧聲斷水廣擢歌長
棲鳥還密樹泛流歸建章

賦得櫻桃

春字韻

華林滿芳景洛陽徧陽

一作徧宜

春朱顏含遠日翠色影長

津喬柯嚮嬌鳥低枝映美人昔作園中實今來

一作為

席

上珍

賦得李

玉衡流桂圃成蹊正可尋

一作綠

葉外蝶戲脆

一作

晚

花心麗景光朝彩輕霞

一作煙

散夕陰暫顧暉

一作奎

章

側還

一作遠

眺靈山林

賦得浮橋

岸曲非千里橋斜異七星暫低逢輦度還高值

一作逐

浪

驚水搖文鷁動纜轉錦花縈遠近隨輪影輕重應人行

謁并州大興國寺詩

回鑾遊福地極目玩芳晨梵鐘交二響法日轉雙輪寶

剎遙承露天花近足春未佩蘭猶小無絲柳尚新圓光
低月殿碎影亂風筠對此留餘想超然離俗塵

詠興國寺佛殿前幡

拂霞疑電落騰虛狀寫虹屈伸煙霧裏低舉白雲中紛
披乍依迴掣曳或隨風念茲輕薄質無翅強搖空

望送魏徵葬

閭闔總金鞍上林移玉輦野郊愴新別河橋非舊餞慘
日映峰沈愁雲隨蓋轉哀笳時斷續悲旌乍舒卷望望

情何極浪浪淚空泣無復昔時人芳春共誰遣

傷遼東戰亡

鑿門初奉律仗戰始臨戎振鱗方躍浪騁翼正凌風未
展六奇術先虧一簣功防身豈乏智殉命有餘忠

月晦

晦魄移中律凝暄起麗城罩雲朝蓋上穿露曉珠呈笑
樹花分色啼枝鳥合聲披襟歡一作還眺望極目暢春情

秋日一作夜翠微宮

秋光凝翠

一作紫

嶺涼吹肅離宮荷疎一蓋缺樹冷半帷

空側陣移鴻影圓花釘菊叢攄懷俗塵外高眺白雲中

初秋夜坐

斜廊連綺閣初月照宵幃寒冷鴻飛疾園秋蟬噪遲露
結林疎葉寒輕菊吐滋愁心逢此節長歎獨含悲

秋日二首

菊散金風起荷疎玉露圓將秋數行雁離夏幾林蟬雲
凝愁半嶺霞碎纈高天還似成都望直見峨

一作蛾

眉前

爽氣澄蘭沼秋風動桂林露凝千片玉菊散一叢金日
岫高低影雲空點綴陰蓬瀛不可望泉石且娛心

冬宵各為四韻

雕形

一作

宮靜龍漏綺閣宴公侯珠簾燭燄動繡桂月光

浮雲

一作塵

起將歌發風停與管適瑣除

一作池

任多士端

宸竟何憂

冬日臨昆明池

石鯨分玉溜劫燼隱平沙柳影冰無葉梅心凍有花寒

野凝朝霧霜天散夕霞歡情猶未極落景遽西斜

望雪

凍雲宵徧嶺素雪曉凝華入牖千重碎迎風一半斜不
妝空散粉無樹獨飄花縈空慙夕照破彩謝晨霞

守歲

一作董
思恭詩

暮景斜芳殿年華麗綺宮寒辭去冬雪暖帶入春風階
馥舒梅素盤花卷燭

一作卷
燭花

紅共歡新故歲迎送一宵

中

除夕

一作董思恭詩

歲陰窮暮紀獻節啓新芳
冬盡今宵促年開明日長
冰消出鏡水梅散入風香
對此歡終宴傾壺待曙光

詠雨

和氣

一作風

吹綠野梅雨灑芳田新

一作細

流添舊澗宿霧

足朝煙雁濕行無次花霑色更鮮
對此欣登歲披襟弄五弦

賦得含峰雲

翠樓含曉霧，蓮峰帶晚雲。
玉葉依巖聚，金枝觸石橫。
天結陣影逐，吹起羅文非。
復陽臺下空，將惑楚君。

三層閣上置音聲

綺筵移暮景，紫閣引宵煙。
隔棟歌塵合，分階舞影連。
聲流三處管，響亂一作西一重絃。
不似秦樓上，吹簫空學仙。

遠山澄碧霧

殘雲收翠嶺，夕霧結長空。
帶岫凝全碧，障霞隱半紅。
髣髴分初月，飄飄度曉風。
還因三里處，冠蓋遠相通。

賦得花庭霧

蘭氣已熏宮新藥半妝叢色含輕重霧香引去來風拂
樹濃舒碧縈花薄蔽紅還當雜行雨髣髴隱遙空

春池柳

年柳變池臺隋堤曲直回逐浪絲

一作分

陰去迎風帶影

來疎黃一鳥弄半翠幾眉開縈雪臨春岸參差間早梅

芳蘭

春暉開紫

一作禁

苑淑氣媚蘭場映庭含淺色凝露泣浮

光日麗參差影風傳一作和輕重香會須君子折佩裏作

芬芳

詠桃

一作董思恭詩

禁苑春暉

一作光

麗花蹊綺

一作幾

樹妝綴條深淺色點露

參差光向日分千笑迎風共一香如何仙嶺側獨秀隱

遙芳

賦簾

參差垂玉闕舒卷映蘭宮珠光

一作花

搖素月竹影亂清

風彩散銀鈎上文斜桂戶中惟當雜羅綺相與一作為媚

房櫳

詠烏代陳師道

凌晨麗城去薄暮上林棲辭枝枝暫起停樹樹還低向日終難託迎風詎肯迷只待纖纖手曲裏作宵啼

詠飲馬

駿骨飲長涇奔流灑絡繹細紋連噴聚亂荇繞蹄縈水光鞍上側馬影溜中橫翻似天池裏騰波龍種生

賦得殘菊

階蘭凝曙霜，岸菊照晨光。露濃晞晚曉，

一作曉

笑風勁淺。

一作

搖殘香，細葉凋輕翠。圓花飛碎黃，還持

一作將

今歲色。復

結後年芳。

賦得秋日懸清光，賜房玄齡

秋露凝高掌，朝光上翠微。參差麗雙闕，照耀滿重闈。仙

馭隨輪轉，靈鳥帶影飛。臨

一作照

波無定彩，入隙有圓

一作

光。暉還當葵藿志，傾葉自相依。

琵琶

紀事作董
思恭詩

半月無雙影全

一作金

花有四時推藏千里態掩抑幾重

悲促節縈紅袖清音滿翠帷
駛彈風響急緩曲釧聲遲
空餘闌隴恨因此代相思

宴中山

驅馬出遼陽萬里轉旂常
對敵六奇舉臨戎八陣張
斬鯨澄碧海卷霧掃扶桑
昔去蘭縈翠今來桂染芳
雲芝浮碎葉冰鏡上朝光
回首長安道方歡宴柏梁

餞中書侍郎來濟

一作宋之問詩非

曖曖去塵昏，灞岸飛飛輕。蓋指河梁雲，峰衣結千重。葉

雪岫花開，幾樹妝芳。

一作芳

深悲黃白

一作白

鶴孤舟遠，獨歎青

山別路長。聊將分被霑巾淚，還用持添離席觴。

於太原召侍臣賜宴守歲

四時運灰琯，一夕變冬春。送寒餘雪盡，迎歲早梅新。

詠燭二首

燄聽

一作折一作畏

風來動，花開不待春。鎮下千行淚，非是為

思人

九龍蟠燄動四照逐花生即此流高殿堪持待

一作月代

明

詠弓

紀事作董思恭詩

上弦明月半激箭流星遠落雁帶書驚啼猿映枝轉

賦得早雁出雲鳴

初秋玉露清早雁出

一作生

空鳴

一作出雲鳴

隔雲時亂影因

風乍含

一作聲合

賦得臨池柳

岸曲絲陰聚波移帶影疎還將眉裏翠來就鏡中舒

賦得臨池竹

貞條障曲砌翠葉貫

一作負

寒霜拂牖分龍影臨池待鳳

翔

賦得弱柳鳴秋蟬

散影玉階柳含翠隱鳴蟬微形藏葉裏亂響出

一作生

風

前

探得李

一作詠李紀事
作董思恭詩

盤根直

一作植

盈

一作瀛

渚交幹橫倚天舒華光四海卷葉

蔭三川

詠小山

近谷交縈縈遙峰對出蓮徑細無全磴松小未含煙

賜蕭瑀

疾風知勁草板蕩識

一作昏
日辨

誠臣勇夫安

一作寧

識義智

者必懷仁

賜房玄齡

太液仙舟迴西園隱上才未曉征車度雞鳴關早開

遼東山夜臨秋

煙生遙岸隱月落半崖陰連山驚鳥亂隔岫斷猿吟

賜魏徵詩

魏徵善治酒有名曰醪醕曰
翠濤世所未有太宗賜詩曰

醪醕勝蘭生翠濤過玉釐千日醉不醒十年味不敗蘭生

漢武帝百味甘酒玉
釐隋煬帝酒名也

兩儀殿賦柏梁體

兩京記貞觀五年太宗破突
厥宴突利可汗於兩儀殿賦

七言詩
柏梁體

絕域降附天下平帝八表無事悅聖情淮安王雲披霧斂

天地明長孫無忌登封日觀禪云亭房玄齡太常具禮方告成

蕭瑀

句

雪恥酬百王除兇報千古本紀云貞觀二十年秋帝幸靈州破薛延陀時鐵勒諸部

遣使相繼入貢請置吏北荒悉平帝為五言詩勒句於靈州以序其事今止存此

昔乘匹馬去今驅萬乘來題河州府逍遙樓江鄰幾志

近日毛雖暖聞弦心已驚

詠鳥
海錄碎事

玉海云帝賜褚亮詩有隔闕相思之句今無考又翰府
名談云唐莊宗嘗引太宗詩句待余心宵日是汝命通
時似又出後人附會
非帝詩也姑記諸此

御定全唐詩卷一

欽定四庫全書薈要卷一萬七千四百七

集部

御定全唐詩卷二

高宗皇帝

帝諱治文皇第九子始封晉王貞觀十七年立為皇太子在位三十四年謚曰天皇大帝集八十六卷今失傳存詩八首

太子納妃太平公主出降

咸亨四年太子弘納妃裴氏有司奏贊用

白雁適苑

中獲之

龍樓光曙景魯館啟朝扉
豔日濃妝影低星降婺輝
玉庭浮瑞色銀榜藻祥徽
雲轉花縈蓋霞飄葉綴旂
雕軒回翠陌寶駕歸丹殿
鳴珠佩曉繞一作衣鏤壁輪開一作初
扇華冠列綺筵蘭醕申芳宴
環階鳳樂陳玳席珍羞薦
蝶舞袖香新歌分落素塵
歡凝歡懿戚慶叶慶初姻
暑闌炎氣息涼早吹疎頻
方期六合泰共賞萬年春

七夕宴懸圃二首

羽蓋飛天漢鳳駕越層巒
俱歎三秋阻共敘一宵歡
璜

虧夜月落靨碎曉星殘誰能重操杼纖手濯清瀾

霓裳轉雲路鳳駕儼

一作臨

天潢虧星凋夜靨殘月落朝

璜促歡今夕促長離別後長輕梭聊駐纖掩淚獨悲傷

過溫湯

溫渚停仙蹕豐郊駐曉旌路曲迴輪影巖虛傳漏聲暖
溜驚湍駛寒空碧霧輕林黃疎葉下野白曙霜明眺聽
良無已煙霞斷續生

九月九日

端居臨玉宸

初永一作

律啓金商鳳闕澄秋色龍闈引夕

涼野淨山氣斂林疎風露長砌蘭虧半影巖桂發金香
滿蓋荷凋翠圓花菊散黃揮鞭爭電烈飛羽亂星光柳
空穿石碎弦虛側月張怯猿啼落岫驚雁斷分行斜輪
低夕景歸旆擁通莊

謁慈恩寺題獎法師房

時帝為太子題詩帖之於戶見獎法師傳舊作

太宗
詩誤

停軒觀福殿遊目眺皇畿法輪含日轉花蓋接雲飛翠

煙香綺閣丹霞光寶衣幡虹遙合彩定水迴分暉蕭然
登十地自得會三歸

謁大慈恩寺

日宮開萬

一作百

仞月殿聳千尋花蓋飛出影幡虹曳曲

陰綺霞遙籠帳叢珠細網林寥廓煙雲表迥然物外心

守歲

第六句
缺一字

今宵冬律盡來朝麗景新花餘凝地雪條含煖吹分紅
吐芽猶嫩冰已鏤津薄紅梅色冷淺綠柳輕春送迎

交兩節暄寒變一辰

咸亨殿宴近臣諸親柏梁體

玉海儀鳳三年七月丁巳宴近臣諸

親於九成宮之咸亨殿上謂霍王元軌等曰甘
雨頻降夏麥豐熟秋稼滋榮思與叔等同為此
歡因賦七言效柏梁體皇
太子霍王相王侍臣並和

屏欲除奢政返淳

帝霍王以下和句亡

中宗皇帝

帝諱顯高宗第七子始封周王儀鳳二年徙封英王改名哲永隆元年立為皇太子及即位太后臨朝稱制廢

帝為廬陵王神龍元年復辟在位六年諡曰孝和帝於
景龍中置修文館學士盛引詞學之臣從侍游讌春幸
梨園竝渭水祓除則賜細柳園辟惡夏宴蒲萄園賜朱
櫻秋登慈恩浮圖獻菊花酒稱壽冬幸新豐歷白鹿觀
上驪山賜浴湯池給香粉蘭澤從行給翔麟馬品官黃
衣各一帝有所感即賦詩學士皆屬和焉集四十卷失
傳今存詩及聯句詩七首

九月九日幸臨渭亭登高得秋字

并序

陶潛盈把既浮九醞之歡畢卓持螯須盡一生之興人題四韻同賦五言其最後成罰之引滿

九日正乘秋三杯興已周泛桂迎尊滿吹花向酒浮長房萸早熟彭澤菊初收何藉龍沙上方得恣淹留

紀事云時

景龍三年是宴也韋安石蘇瓌詩先成于經野廬懷慎最後成罰酒

登驪山高頂寓目

四郊秦漢國八水帝王都閭闔

一作閭闔

雄里開城闕壯規

模貫渭稱天邑含岐實與區金門披玉館因此識皇

一作

黃圖

紀事云帝自題序末云八題四韻後
罰三杯日暮成者五六人餘皆罰酒

幸秦始皇陵

景龍三年十月十八日

眷言君失德驪邑想秦餘政煩方改篆愚俗乃焚書阿
房久已滅閣道遂成墟欲厭東南氣翻傷掩鮑車

立春日遊苑迎春

神臯福地三秦邑玉臺金闕九仙家寒光猶戀甘泉樹
淑景偏臨建始花綵蝶黃鶯未歌一作欲舞梅香柳色已

矜一作堪

誇迎春正啓流霞席暫囑曦輪勿遽斜

十月誕辰內殿宴羣臣效柏梁體聯句

潤色鴻業寄賢才

帝

叨居右弼媿鹽梅

李

運籌帷幄荷

時來

宗楚客

職掌圖籍濫蓬萊

劉憲

兩司謬忝謝鍾裴

崔禮

樂銓管效涓埃

鄭愔

陳師振旅清九垓

趙彦昭

欣承顧問侍

天杯

李適

銜恩獻壽柏梁臺

蘇頌

黃縑青簡奉康哉

盧藏用

魚

生侍從忝王枚

李人

右掖司言實不才

馬懷素

宗伯秩禮

一作

祀天地開

薛稷

帝歌難續仰昭回

景龍文館記

作謬司考

微臣捧日變寒灰

陸景初

遠慙班左媿遊陪

上官使仔紀事云帝謂

侍臣曰今天下無事朝野多歡欲與卿等詞人時賦詩宴樂可識朕意不須惜醉大學士李嶠宗楚客等跪奏曰臣等多幸同遇昌期謬以不才策名文館思勦駑朽庶裨河嶽既陪天歡不敢不醉此後每遊別殿幸離宮駐蹕芳苑鳴笳仙禁或戚里宸筵王門卷席無不畢從

景龍四年正月五日移仗蓬萊宮御大明殿會

吐蕃騎馬之戲因重為柏梁體聯句

大明御寓臨萬方

帝

顧慙內政翊陶唐

皇

鸞鳴鳳舞向

平陽

長寧公主

秦樓魯館沐恩光

安樂公主

無心為子輒求郎

太平

公雄才七步謝陳王

溫王重茂

當熊讓輦媿前芳

上官昭容

再司

銓筦恩可忘

吏部侍郎崔湜

文江學海思濟航

著作郎鄭愔

萬邦考

績臣所詳

考功員外郎武平一

著作不休出中腸

著作郎閻朝隱

權豪屏

迹肅嚴霜

御史大夫竇從一

鑄鼎開岳造明堂

將作大匠宗晉卿

玉醴

由來獻壽觴

吐蕃舍人明悉獵紀事云時上疑竇從一宗晉卿素不屬文未即令續二人固請許

之吐蕃舍人明悉獵請令授筆與之悉獵云云上大悅賜與衣服

石淙

太子時作

三陽本是標靈紀二室由來獨擅名霞衣霞錦千般狀

雲峰雲岫百重生水炫珠光遇泉客巖懸石鏡厭山精

永願乾坤符睿算長居膝下屬歡情

睿宗皇帝

帝諱旦高宗第八子中宗母弟封相王景龍四年即皇
帝位帝謙恭孝友好學工草隸尤愛文字訓詁之書在
位三年謚曰大聖貞皇帝詩一首

石淙

相王
時作


奇峰嶸嶸箕山北秀嶠岵嶢嶢鎮南地首地肺何曾擬
天目天台倍覺慙樹影蒙龍郭壘岫波深洶湧落懸潭

願紫宸居得一永欣丹宸御通三

第七句
缺一字



御定全唐詩卷二



總校官庶吉士 臣 張能照

校封官檢討 臣 龔大萬

謄錄監生 臣 李士勲

欽定四庫全書薈要

集部

御定全唐詩卷

三至五

欽定四庫全書薈要卷一萬七千四百八集部

御定全唐詩卷三

明皇帝

（雜）
帝諱隆基睿宗第三子始封楚王後為臨淄郡王景雲元年進封平王立為皇太子英武多能開元之際勵精政事海內殷盛旁求宏碩講道藝文貞觀之風一朝復振在位四十七年諡曰明詩一卷

過晉陽宮

緬想封唐處實惟建國初俯察伊晉野仰觀乃參虛井
邑龍斯躍城池鳳翔餘林塘猶沛澤臺榭宛舊居運草
祚中否時遷命茲符顧循承丕構怵惕多憂虞尚恐威
不逮復慮化未孚豈徒勞轍迹所期訓戎車習俗問黎
人親巡慰里閭永言念成功頌德臨康衢長懷經綸日
歎息履庭隅艱難安可忘欲去良踟躕

行次成皋途經先聖擒建德之所緬思功業感
而賦詩

有隋政昏虐羣雄已交爭先聖按劍起叱咤風雲生飲
馬河洛竭作氣嵩華驚克敵睿圖就擒俘帝道亨顧慙
嗣寶厯恭承天下平幸過翦鯨地感慕神且英

校獵義成喜逢大雪率題九韻以示羣官

弧矢威天下旌旗遊近縣一面施鳥羅三驅教人戰暮
雲成積雪曉色開行殿皓然原隰同不覺林野變北風
勇士馬東日華組練觸地銀麋出連山縞鹿見月兔落
高增星狼下急

一作飛

箭既欣盈尺兆復憶磻谿便歲豐

將遇賢俱荷皇天眷

賜諸州刺史以題座右

開元十六年帝自擇廷臣為諸州刺史許景先

魏州源光裕鄭州寇泚宋州鄭溫琦邠州索仁恭杭州崔志廉襄州李昇邢州鄭放定州蔣挺湖州裴觀滄州崔誠遂州凡十一人行詔宰相諸王御史以上祖道洛濱盛供具奏太常樂帛舫水嬉賜詩令題座右且給筆紙令自賦焉

眷言思共理鑑寢

一作古

想維良猗歟此推擇聲

一作績

著周行賢能既俟進黎獻實佇康視人當如子愛人亦如傷講學試誦論阡陌勸耕桑虛譽不可飾清知不可

忘求名迹易見安貞德自彰訟獄必以情教民貴有常
恤憚且存老撫弱復綏強勉哉各祇命知予眷萬方

送忠州太守康

紀事
作唐昭遠等

端拱臨中樞緬懷共予理不有臺閣英孰振循良美分
符侯甸內拜手明庭裏誓節期飲冰調人方導水嘉聲
馳九牧惠化光千祀時雨侔昔賢芳猷貫前史佇爾頌
中和吾將令卿士

送李邕之任滑臺

漢家重東郡宛彼白馬津黎庶既蕃殖臨之勞近臣遠
別初首路今行方及春課成應第一良牧爾當仁

端午三殿宴羣臣探得臣字

并序

律中蕤賓獻酬之象著火在盛德文明之義燁故
以式宴陳詩上和下暢者也朕宵衣旰食輯聲教
於萬方卜戰行師總兵鈴於四海勤貪日給憂忘
心勞聞蟬聲而悟物變見槿花而驚候改所賴濟
濟朝廷視成鵠鷺桓桓邊塞責辦熊羆喜麥秋之

有登玩梅夏之無事時雨近霽西郊霍靡而一色
炎雲作峰南山嵯峨而異勢正當名儒雅宴高明
廣殿肅而清氣生列樹深而長風至厨人嘗散熟
之饌酒正行逃暑之飲庖捐惡鳥俎獻肥龜新筒
裹練香蘆角黍恭儉之儀有序慈惠之意溥洽諷
味黃老致息心於真妙抑揚游夏滌煩想於詩書
超然玄覽自足為樂何止柏枕桃門驗方術於經
記綵花命縷觀問遺於風俗感婆婆於孝女憫枯

槁之忠臣而已哉歎節氣之循環美君臣之相樂
凡百在會咸可賦詩五言紀其日端七韻成其火
數豈獨漢武之殿盛朝士之連章魏文之臺壯辭
人之竝作云爾

五月符天數五音調夏鈞舊來傳五日無事不稱神穴
枕通靈氣長絲續命人四時花競巧九子糝爭新方殿
臨華節圓宮宴雅臣進對一言重適文六義陳股肱良
足詠風化可還淳

溫湯對雪

北風吹同雲同雲飛白雪白雪乍迴散同雲

一作北風

何慘

烈未見溫泉水寧知火井滅表瑞良在茲庶幾可怡悅

登蒲州逍遙樓

長榆息烽火高柳靜風塵卜征巡九洛展豫出三秦昔

是潛龍地今爲上理辰時平乘

一作承

道泰聊賞遇年春

黃河分地絡

一作脈

飛觀接天津一覽遺芳翰千載肅如

神

經河上公廟

昔聞有耆叟河上獨遺榮跡與塵囂隔心將道德并詎
以天地累寧為寵辱驚矯然翔寥廓如何屈堅貞玄玄
妙門啓肅肅祠宇清冥漠無先後那能紀一作姓名

過王濬墓

吳國分牛斗晉室命龍驤受任敵已滅策勲名不彰居
美未盡善矜功徒自傷長戟今何在孤墳此路傍不觀
松柏茂空餘荊棘場歎嗟懸劒隴誰識夢刀祥

初入秦川路逢寒食

洛陽

一作川

芳樹映天津

一作上

垂楊宰地新直為經

過行處樂不知虛度兩京春去年餘

一作有

閏今春早曙

色和風著花草可憐寒食與清明光輝并在長安道自

從關路

一作內

入秦川爭道何人不戲鞭公子途中妨

一作

方蹴踘佳人馬上廢

一作戲

鞦韆渭水長橋今欲渡蔥蔥

漸見新豐樹遠看驪岫入雲霄預想湯池起煙霧煙霧

氛氲水殿開暫拂香輪歸去來今歲清明行已晚明年

寒食更相陪

春臺望

暇景屬三春，高臺聊四望。
目極千里際，山川一何壯。
太華見重巖，終南分疊嶂。
郊原紛綺錯，參差多異狀。
佳氣滿通溝，遲步入綺樓。
初鶯一一鳴，紅樹歸雁雙雙。

一作遲遲

去綠洲，太液池中下黃鶴。
昆明水上，映牽牛，聞道漢家
全盛日，別館離宮趣非一。
甘泉逶迤亘明光，五柞連延
接未央。周廬徼道縱橫轉，
飛閣迴軒左右長。須念作勞

居者逸勿言我

一作身

後焉能恤為想雄豪壯柏梁何如

儉陋卑茅室陽烏黯黯向山沈夕鳥喧喧入上林薄暮
賞餘回步輦還念中人罷百金

過大哥宅探得歌字韻

魯衛情先重親賢愛轉多
冕旒豐暇日來景暫經過
戚里申高宴平臺奏雅歌
復尋為善樂方驗保山河

同玉真公主過大哥山池

地有招賢處人傳樂善名
鶩池臨

一作尋

九達龍岫對層

一作重 城桂月先秋冷蘋風向晚清鳳樓遙可見彷彿玉

簫聲

經鄒魯祭孔子而歎之

夫子何為者栖栖一代中地猶鄒氏邑宅即魯王宮歎
鳳嗟身否傷麟怨道窮今看兩楹奠當與夢時同

惟此溫泉是稱愈疾豈予獨受其福思與兆人
共之乘暇巡遊乃言其志

桂殿與山連蘭湯湧自然陰崖含秀色溫谷吐潺湲績

為蠲邪著功因養正宣願言將億兆同此共昌延

旋師喜捷

一作平胡

邊服胡塵起長安漢將飛龍蛇開陣法貔虎振軍威詐
虜腦塗地征夫血染衣今朝書奏入明日凱歌歸

過老子廟

仙居懷聖德靈廟肅神心草舍人蹤斷塵濃鳥跡深流
沙丹竈沒關路紫煙沈獨傷千載後空餘松柏林

途次陝州

境出三秦外途分二陝中山川入虞虢風俗限西東樹
古棠陰在耕餘讓畔空鳴笳從此去行見洛陽宮

野次喜雪

拂曙闢行宮寒臯野望通繁雲低遠岫飛雪舞長空賦
象恒依物縈迴屢逐風為知勤恤意先此示年豐

送賀知章歸四明

并序

天寶三年太子賓客賀知章鑒止足之分抗歸老
之疏解組辭榮志期入道朕以其年在遲暮用循

挂冠之事俾遂赤松之遊正月五日將歸會稽遂
餞東路乃命六卿庶尹大夫供帳青門寵行邁也
豈惟崇德尚齒抑亦勵俗勸人無令二疏獨光漢
冊乃賦詩贈行

遺榮期入道辭老竟抽簪豈不惜賢達其如高尚心
寥中得秘要方外散幽襟獨有青門餞羣僚一作英悵別深

軒遊宮十五夜

行邁離秦國巡方赴洛師路逢三五夜春色暗中期闕

外長河轉宮中淑氣遲歌鐘對明月不減舊遊時

觀拔河俗戲

并序

俗傳此戲必致年豐故命北軍以求歲稔

壯徒恒賈勇拔拒抵長河欲練英雄志須明勝負多譟
齊山岌業氣作水騰波預期年歲稔先此樂時和

同劉晃喜雨

節變寒初盡時和氣已春繁雲先合寸膏雨自依旬颯
颯飛平野霏霏靜暗塵懸知花葉意朝夕望中新

千秋節賜羣臣鏡

鑄得千秋鏡
光生百鍊金
分將賜羣后
遇象見清心
臺上冰華澈
窗中月影臨
更銜長綬一作壽
帶留意感人深

賜道士鄧紫陽

太乙三門設
元君六甲符
下傳金版術
上刻玉清書
有美探真士
囊中得秘書
自知一作茲
三醮後
翊我滅殘胡

幸蜀西至劔門

劔閣橫雲峻
鑾輿出狩回
翠屏千仞合
丹嶂五丁開
灌

木縈旗轉仙雲拂馬來乘時方在德嗟爾勒銘才

肅宗至德

二年普安郡

守賈深勒石

答司馬承禎上劒鏡

寶照含天地神劒合陰陽日月麗光景星斗裁文章寫
鑑表容質佩服為身防從茲一賞玩永德保齡長

送趙法師還蜀因名山真簡

道家真靈簡自昔仰神仙真子今將命蒼生福可傳江
山尋故國城郭信依然二室遙相望雲回洞裏天

紀事
云法

師觀宇在今蜀
州新津縣也

送道士薛季昌還山

洞府修真客，衡陽念舊居。
將成金闕要，願奉玉清書。
雲路三天近，松溪萬籟虛。
猶期傳祕訣，來往候仙輿。

送玄洞真人李抱朴謁瀟山仙祠

城闕天中近，蓬瀛海上遙。
歸期千載鶴，春至一來朝。
采藥逢三秀，餐霞卧九霄。
參同如有旨，金鼎待君燒。

春日出苑遊瞩

太子時作一作張說詩

三陽麗景早芳辰四序佳園物候新梅花百樹

一作障

去路垂柳千條暗回津鳥飛直為驚風葉魚沒都由怯
岸人惟願聖主南山壽何愁不賞萬年春

春晚

一作曉

宴兩相及禮官麗正殿學士探得風

字

并序

朕以薄德祇膺歷數正天柱之將傾紉地維之已
絕故得承奉宗廟垂拱巖廊居海內之尊處域中
之大然後祖述堯典憲章禹績敦睦九族會同四

海猶恐烝黎未入徯戍未安禮樂之政虧師儒之道喪乃命使者衣繡服行郡縣因人所利擇其可勞所以便億兆也乃命將士擐甲冑礪矢石審山川之向背應歲月之孤虛所以靜邊陲也乃命禮官考制度稽典則序文昭武穆享天地神祇所以申嚴潔也乃命學者繕落簡緝遺編纂魯壁之文章綴秦坑之煨燼所以修文教也故能使流寓返粉榆之業戎狄稱藩屏之臣神祇歆其裡祀庠序

闡其經術既家六合時巡兩京函秦則委輸斯遠
鼎邑則朝宗所利封畿四塞從來測景之都城闕
千門自昔交風之地陰陽代謝日月相推豈可使
春色虛捐韶華竝歇乃置旨酒命英賢有文苑之
高才有掖垣之良佐舉杯稱慶何樂如之同吟湛
露之篇宜振凌雲之藻於時歲在乙丑開元十三
年三月二十七日

乾道運無窮恒將人代工陰陽調厯象禮樂報玄穹介

曾清荒外衣冠佐域中言談延國輔詞賦引文雄野霽
伊川綠郊明鞏樹紅冕旒多暇景詩酒會春風

首夏花萼樓觀羣臣宴寧王山亭回樓下又申
之以賞樂賦詩

并序

萬物莫不氣兆乎上而形視乎下鐵石異品雲蒸
竝溼草木無心春來咸喜故聖人弘道先王法天
酒星主獻酬之義需卦陳飲食之象近命羣官

一作

臣欣時樂宴盡九春之麗景匝三旬之暇日暢飲

桂山權歌沁水醇以養德味以平心本將導達陽
和助成長育亦朝廷多慶軍國餘閒者也前月之
晦細風飄雨繁弦中止列席半醉佳辰易失絕興
難追良可惋也今年帶閨節候全晚暑氣猶清芳
草未歇申布雅意復敘初筵披樂善之邸坐忘憂
之觀東郊跬步南山在目足以締夏首之新賞補
春餘之墜歡朕登覽上宮俯臨長陌暢衆心之怡
虞懼歸騎之逶迤鼓之以琴瑟侑之以筐篚衢尊

意洽場藿思苗賦我有嘉賓之詩奏君臣相悅之
樂踟躕西日吟玩乘風不知衷情之發於翰墨也
今年通閏月入夏展春輝樓下風光一作花晚一作媚城隅
宴賞歸九歌揚政要六舞散朝一作征衣天喜時相合人
和事不違禮中推意厚樂處感心微別賞陽臺樂前句
暮雨飛

同二相已下羣官樂遊園宴

二相謂張說宋璟

撰一作異

日嚴廊暇需雲宴樂初萬方朝玉帛千品會簪

裾地入南山近城分北斗餘池

一作林

塘垂柳密原隰野

一作野雜

花疎帝幕看逾暗歌鐘聽自虛興闌歸騎轉還奏

弼違書

集賢書院成送張說上集賢學士賜宴得珍字

廣學開書院

一作殿

崇儒引席珍集賢招

一作昭

袞職論道

命台臣禮樂沿今古文章革舊新獻酬尊俎列賓主位

班陳節變雲初夏時移氣尚春所希光史冊千載仰茲

晨

王屋山送道士司馬承禎還天台

紫府求賢士清谿祖逸人江湖與城闕異跡且殊倫間

一作聞

有幽棲者居然厭俗塵林泉先得性芝

一作松

桂欲

調神地道踰稽

一作雞

嶺天台接海濱

一作瀕

音徽從此間

萬古一芳春

早度蒲津關

鐘鼓嚴更曙山河野望通鳴鑾下蒲坂飛旆入秦中地

險關逾壯天平鎮尚雄春來

一作深

津樹合月落成樓空

馬色分朝景雞聲逐曉風所希常道泰非復候一作俟又作奈

繻同

途經華嶽

飭駕去京邑鳴鸞指洛川循

一作修

途經太華回蹕暫周

旋翠嶢留斜影懸巖冒

一作凝

夕煙四方皆石壁五位配

金天彷彿看高掌依稀聽子先終當銘歲月從此記靈仙

喜雪

日觀卜先征時巡順物情風行未備禮雲密遽飄靈委
樹寒花發縈空落絮輕朝如玉已會庭似月猶明既覩
膚先合還欣尺有盈登封何以報因此謝功成

幸鳳泉湯

西狩觀周俗南山歷漢宮薦鮮知路近省斂覺年豐陰
谷含神爨湯泉養聖功益齡仙井合愈疾醴源通不重
鳴岐鳳誰矜陳寶雄願將無限澤霑沐衆心同

南出雀鼠谷答張說

紀事云帝登封泰山南出
雀鼠谷張說獻詩帝答之

仍命羣
臣應制

雷出應

一作膺

乾象風行順

一作訓

國人川途猶在晉車馬

漸歸秦背陝

一作硤

關山險橫汾鼓吹頻

一作震

草依陽谷

變花待北巖春聞有鷁鸞客清詞雅調新求音思欲報

心跡竟難陳

賜崔日知往潞州

潞國開新府壺闕寵舊林妙旌

一作精

循吏德持

一作特悅

庶氓心禮樂中朝貴神明列郡欽揚風非贈扇易俗是

張琴公潘鎮謳謠滿一作洽行宮雨露深會書丞相策先賜

潁川金

為趙法師別造精院過院賦詩

并序

秋九月聽政觀風存乎遊息退朝之後歷西上陽
入清虛院則法師所居之地也法師得玄元之法
養浩然之氣故法此仙家特建真宇紫房對簷綠
竹羅生既親重其人每經過其地以怡神洗雪進
德修業何必齊心累月遠在順風因而賦詩用適

其一作
真意云爾

宗師心物外為道運虛舟不戀巖泉賞來從宮禁遊探
玄知幾歲習靜更宜秋煙樹辨朝色風湍聞夜流坐朝
繁聽覽尋勝在清幽欲廣無為化因茲庶可求

端午

一作端午武
成殿宴羣臣

端午臨中夏時清日復長鹽梅已佐鼎麴蘖且傳觴事

古人留迹年深縷積

一作續

長當軒知槿茂向水覺蘆香

億兆同歸壽羣公共保昌忠貞如不替貽厥後昆芳

春中興慶宮酺宴

并序

夫抱器懷才含仁蓄德可以坐而論道者我於是
乎闢重門以納之作扞四方折衝萬里可運壽帷
幄者我於是乎懸重祿以待之是故外無金革之
虞朝有搢紳之盛所以巖廊多暇垂拱無為不言
而海外知歸不教而寰中自肅元亨之道其在茲
乎況乎天地交而萬物通陰陽和而四時序所寶
者粟所貴者賢故以宵旰為懷黎元在念盡力溝

渙不知宮室之已卑致敬鬼神不知飲食之斯薄
往以仲冬建子南至初陽爰詔司存式陳郊祀挹
夷夏之誠請答人神之厚睠煙歸太乙禮備上玄
足以申昭報之情足以極嚴禋之道然心融萬類
歸雷雨之先春慶洽百僚象雲天而高宴歲二月
地三秦水泛泛而龍池滿日遲遲而鳳樓曙青門
左右軒庭映梅柳之春紫陌東西帝幕動煙霞之
色撞鐘伐鼓雲起雪飛歌一聲而酒一杯舞一曲

而人一醉詩以言志思吟湛露之篇樂以忘憂慙
運臨汾之筆

九達長安道三陽別館春還將聽朝暇回作豫遊晨不
戰要荒服無刑禮樂新合酺覃土宇歡宴接羣臣玉罕
飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觝陳曲終酣興晚須有醉歸人

千秋節宴

并序

令節肇開情兼感慶率題八韻以示羣臣

蘭殿千秋節稱名

一作君

萬壽

一作歲

觴風傳率土慶日表

繼天祥玉宇開花萼宮

一作金

縣動會昌衣冠白鷺

一作露

下帝幕翠雲長獻遺

一作壽

成新俗朝儀入舊章月銜花

綬鏡露綴綵絲囊處處祠田祖年年宴杖鄉深思一德

事小獲萬人康

開元十八年禮部奏請秋社會並就千秋節先賽白帝報田祖然後坐飲散之

故詩

云云

左丞相說右丞相璟太子少傅乾曜同日上官

命宴東

一作都

堂賜詩

赤帝收三傑黃軒舉二臣由來丞相重分掌國之鈞

一作

均我有握中璧雙飛席上珍子房推道要仲子訝風神

復輟台衡老將為調護人鶴鸞同拜日車騎擁行塵樂

聚南宮宴觴連北斗醇俾予成百揆垂

一作端

拱問曩倫

早登太行山中言志

清蹕度河陽凝笳上太行火龍明鳥道鐵騎繞羊腸白

霧埋陰壑丹霞助曉光澗泉含宿凍山木

一作草

帶餘霜

野老茅為屋樵人薜作裳宣風問耆艾敦俗勸耕桑涼

德慙先哲徽猷慕昔皇不因今展義何以一作必冒垂堂

平胡

并序

戎羯不虔竊我荒服命偏師之俘翦彼應期而咸
殄一麾克定告捷相仍爰作是詩聊以言志

雜虜忽猖狂無何敢亂常羽書朝繼入烽火夜相望將
出凶門勇兵因死地強蒙輪皆突騎按劍盡鷹揚鼓角
雄山野龍蛇入戰場流膏潤沙漠濺血染鋒鏑霧掃清
玄塞雲開靜朔方武功今已立文德媿前王

遊興慶宮

并序 一作暇日與兄弟同遊興慶宮作

暇日與兄弟同遊興慶宮登勤政務本及華萼相輝之樓所以觀風俗而勸人崇友于而敦睦詩以言志歌以永言情發於衷率題此什

代邸青門右離宮紫陌陞庭如過沛日水若渡江時綺觀連雞岫朱樓接雁池從來敦棣萼今此茂荆枝萬葉傳餘慶千年志不移凭軒聊屬目輕輦共追隨務本方崇訓相輝保羽儀時康俗易漸德薄政難施鼓吹迎飛

蓋弦歌送羽卮所希覃率土孝弟一同規

送張說巡邊

端拱復垂裳長懷御遠方股肱申教義戈劍靖要荒命
將綏邊服雄圖出廟堂三台入武帳八座起文昌寶

一作

瑤
胄匡韓主華宗輔漢王茂先慙博物平子謝文章盡
節恢時佐輸誠禦寇場三軍臨朔野四馬即戎行鼓吹
威夷狄旌軒溢洛陽雲臺先著美今日更貽芳

餞王暎巡邊

振武威荒服揚文肅遠墟金壇申將禮玉節授軍符免
胄三方外銜刀萬里餘昔時吳會靜今日虜庭虛分閫
仍推轂援桴且訓車風揚旌旆遠雨洗甲兵初坐見台
階謚行聞袂袂除檄來雖插羽箭去亦飛書舟楫功須
著鹽梅望匪疎不應陳七德欲使化先敷

巡省途次上黨舊宮賦

并序

朕昔在初九佐貳此州未遇扶搖之力空俟海沂
之詠洎大橫入兆出處斯易一揮寶劍遽履瑤圖

承厯數而順謳謠著天衣而御區夏嗟乎向時沈
默駕四馬而朝京師今日逍遙乘六龍而問風俗
爰因巡省途次舊居山川宛然人事無間忽其鼎
革周遊館宇觸目依然雖迹異漢皇而地如豐邑
擊筑慷慨酌桂紀事作杯留連空想大風題茲短什

三千初擊浪九萬欲搏空天地猶驚否陰陽始遇蒙存

貞一作身期厯試佐貳佇昭融多謝時康理良慙實賴一作

寶劍功長懷問鼎氣夙負拔山雄不學劉琨舞先歌漢祖

風英髦既包括豪傑自牢籠人事一朝異謳歌

一作諠

四

海同如何昔朱邱今此作離宮雁沼澄瀾翠猿巖落照

紅小山秋

一作餘

桂馥長坂舊蘭叢即是淹留處乘歡樂

未窮

潼關口號

河曲回千里關門限二京所嗟非恃德設險到

一作致

天

平

千秋節賜羣臣鏡

瑞露垂花綬寒氷澈寶輪對茲臺上月聊以慶佳辰

續薛令之題壁

本事詩云開元中東宮官僚清
淡薛令之題詩自悼有無以謀

朝夕何由保歲寒句上幸東宮覽之
索筆題其傍云云令之遂謝病歸

啄木觜距長鳳皇羽毛短苦一作嫌松桂寒任逐桑榆

煖

送胡真師還西山

真仙
通鑑

仙客厭人間孤雲比性閒話離情未已煙水萬重山

過大哥山池題石壁

澄潭皎鏡石崔巍萬壑千巖暗綠苔亭一作臺自有幽

貞趣況復秋深爽氣來

題梅妃畫真

憶昔嬌妃在紫宸鉛華不御得天真霜綃雖似當時態
爭奈嬌波不顧人

鵲鵲頌

并序 俯同
魏光來作

朕之兄弟唯有五人比為方伯歲一朝見雖載宗
藩屏而有睽談笑是以輟牧人而各守京職每聽

政之後延入宮掖申友于之志詠常棣之詩邕邕
如怡怡如展天倫之愛也秋九月辛酉有鵲鷁千
數棲集于麟德殿之庭樹竟旬焉飛鳴行搖得在
原之趣昆季相樂縱目而觀者久之逼之不懼翔
集自若朕以為常鳥無所志懷左清道率府長史
魏光乘才雄白鳳辯壯碧雞以其宏達博識召至
軒檻預觀其事以獻其頌夫頌者所以揄揚德業
褒讚成功顧循虛昧誠有負矣美其彬蔚俯同頌

云

伊我軒宮奇樹青葱藹周廬兮冒霜停雪以茂以悅恣
卷舒兮連枝同榮吐綠含英曜春初兮蓐收御節寒露
微結氣清虛兮桂宮蘭殿唯所息宴棲雍渠兮行搖飛
鳴急難有病情有餘兮顧惟德涼夙夜兢惶慙化疎兮
上之所教下之所效實在予兮天倫之性魯衛分政親
賢居兮爰遊爰處爰笑爰語巡庭除兮觀此翔禽以悅
我心良史書兮

傀儡吟

一作梁鉉詠
木老人詩

刻木牽絲作老翁，雞皮鶴髮與真同。
須臾弄罷寂無事，

還似人生一夢中。

紀事云：明皇為李輔國
遷於西內，曾詠此詩。

句

昔見漳濱卧，言將人事違。
今逢慶誕日，猶謂學仙歸。

棣花重發，鵲原鳥再飛。

薛王疾瘳，置酒更為初
生之歡。見舊唐書。

德比岱雲布，心如晉水清。

錢裴寬為
太原尹。

王象之輿地碑記載：明皇
昭州丹霄驛詩，驛前南面架
危橋，久欲登臨，畏路遙，今
日偶然尋得到，直從平地上。

丹霄疑後人
妄託附記

御定全唐詩卷三

欽定四庫全書薈要卷一萬七千四百九

集部

御定全唐詩卷四

肅宗皇帝

帝諱亨明皇第三子初名嗣昇封陝王開元十五年更名浚徙封忠王二十三年又更名璵明年立為皇太子二十八年又更名紹天寶三載乃更名亨明皇幸蜀即位於靈武聰明彊記屬詞典麗在位七年諡曰宣詩四首

延英殿玉靈芝詩三章章八句

上元二年七月甲辰延英殿御

座上生玉靈芝一
莖三花上親製詩

玉殿肅肅靈芝煌煌重英發秀連葉分房宗廟之福垂

其耿

一作光此章缺
景二句

元氣產芝明神合德紫微間采白薺呈色載啓瑞圖庶
符皇極天心有眷王道惟直

幸生芳本

一作并

當我宸

一作宸

旒效

一作放

此靈質賁其王

猷神惟不愛道亦無求端拱思惟永荷天休

賜黎李泌與諸王聯句

鄴侯外傳云肅宗嘗夜坐召穎信益三王同就

地爐食以泌多絕粒帝自燒二梨賜之穎王固求不與請三弟共乞一顆亦不與別命他果賜

之王曰先生恩渥如此臣等請聯句以為他日故事

穎王名璿信王名璿益王史失傳

先生年幾許顏色似童兒王夜抱九仙骨朝披一品衣

信王不食千鍾粟唯餐兩顆梨益王天生此間氣助我化無

為帝

德宗皇帝

帝諱适代宗長子初封奉節郡王乾元元年進封魯王

八月徙封雍王廣德二年立為皇太子善屬文尤長於
篇什每與學士言詩於浴堂殿夜分不寐三令節御製
詩敕羣臣賡和品第優劣四方貢藝者帝多親試或有
乖謬濃點筆抹之稱旨即翹足朗吟詭宰相此朕門生
無不服帝之藻鑑焉在位二十五年諡曰孝文集不傳
今存詩十五首

中和節日宴百僚賜詩

帝移晦日為中和節
鄴侯家傳云夜夢見賜

御製中和節詩於金花牋上第二對首忘一字
云茲中和節式慶天地春及中和日百寮會曲

江亭賜御製詩曰肇茲中和節云云其金花牋上花雲皆夢所見者奉詔同用春字

韶年啓仲序初吉諧良辰肇茲中和節式慶大地春歡
酣朝野同生德區宇均雲開灑膏露草疏芳河津歲華
今載陽東作方肆勤慙非熏風唱曷用慰吾人

中和節賜百官燕集因示所懷

至化恒一作常在宥保和茲息人推誠撫諸夏與物長為

春仲月風景暖禁城花柳新芳時協金奏賜宴同

一作錫宴

周羣臣絲竹豈云樂忘賢惟所親庶洽朝野意曠然天

地一作均

重陽日賜宴曲江亭賦六韻詩用清字

并序

朕在位僅將十載實賴忠賢左右克致小康是以
擇三令節錫茲宴賞俾大夫卿士得同歡洽也夫
共其戚者同其休有其初者貴其終咨爾羣僚順
朕不暇樂而能節職思其憂咸若時則庶乎理矣
因重陽之會聊示所懷

早衣

一作依

對庭燎躬化勤意誠時此萬機暇適與佳節

并曲池潔寒流芳菊舒金英乾坤爽氣滿臺殿秋光

一作

老清朝野慶年豐高會多歡聲永懷無荒戒良士同斯

一作情因詔曰卿等重陽會宴朕想歡洽欣慰良多情發於中因製詩序令賜卿等一本可中書門下

簡定文詞士三五十人應制同用清字明日內於延英門進來宰臣李泌等雖奉詔簡擇難於取舍由是百僚皆和上自考其詩以劉大真及李紆等四人為上等鮑防于邵等四人為次等張濛殷亮等二十三人為下等而李晟馬燧李泌三宰相之詩不加考第時貞元四年九月也

九月十八賜百寮追賞因書所懷

雨霽霜氣肅天高雲日明繁林已墜葉寒菊仍舒榮懿

此秋節時更延追賞情池臺列廣宴絲竹傳新聲至樂
非外獎浹歡同中誠庶敦朝野意永使風化清

送徐州張建封還鎮

貞元十三年徐州節度使
張建封來朝及命歸鎮上

御製詩
以賜之

牧守寄所重才賢生為時宣風自淮甸授鉞膺藩維入
覲展遐戀臨軒慰來思忠誠在方寸感激陳情詞報國
爾所向恤人予是資歡宴不盡懷車馬當還期穀雨將
應候行春猶未遲勿以千里遥而云無已知

於時藩鎮
馬燧渾瑊

劉元佐李抱真等勲寵卓越
未有以詩餞獨建封獲賜

麟德殿宴百僚

憂勤承聖緒開泰喜時康
恭已臨羣后垂衣御八荒
務閒春向暮朝罷日猶長
紫殿初筵列彤庭廣樂張
成功歸輔弼致理賴忠良
共此歡娛事千秋樂未央

元日退朝觀軍仗歸營

獻歲視元朔萬方咸在庭
端旒揖羣后回輦閱師貞
綵仗宿華殿退朝歸禁營
分行左右出轉旆風雲生
厯厯

趨複道容容映層城勇餘矜捷技令肅無喧聲春此戎
旅節載嘉良士誠順時傾宴賞亦以助文經

中和節賜羣臣宴賦七韻

貞元五年初製中和節帝製詩寫本賜戴

叔倫於

容州

東風變梅柳萬彙生春光中和紀月令方與天地長耽
樂豈予尚懿茲時景良庶遂亭育恩同致寰海康君臣
永終始交泰符陰陽曲沼水新碧華林桃稍芳勝賞信
多歡戒之在無荒

三日書懷因示百僚

貞元六年三月庚子百寮宴曲江亭上賦上巳詩一

篇賜

之

佳節上元已芳時屬暮春流觴想蘭亭捧劍得金人風
輕水初綠日晴花更新天文信昭回皇道頗敷陳恭已
每從儉清心常保真戒茲游衍樂書以示羣臣

重陽日中外同歡以詩言志因示羣官

餘字韻

爽節在重九物華新雨餘清秋黃葉下菊散金潭初萬
寶行就稔百工欣所如歡心暢遐邇殊俗同車書至化

自敦睦佳辰宜宴胥鏘鏘間絲竹濟濟羅簪裾此樂匪
足耽此誠期永孚

重陽日即事

令節曉澄霽四郊煙靄空天清白露潔菊散黃金叢寡
德荷天貺順時休百工豈懷歌鐘樂思為君臣同至化
在亭育相成資始終未知康衢詠所仰惟年豐

豐年多慶九日示懷

貞元十八年九月癸亥
重陽御製詩賜羣臣

爽氣肅時令早衣聞朔鴻重陽有佳節具物欣年豐皎

潔暮潭色芬敷新菊叢芳尊滿衢室繁吹凝煙空惠合
信吾道保和惟爾同推誠至玄化天下期為公

七月十五日題章敬寺

貞元七年七月癸酉章敬寺賦詩九韻皇太

子與羣臣畢
和題之寺壁

招提邇皇邑複道連重城法筵會早秋駕言訪禪扃嘗
聞大仙教清淨宗無生七物一作珍匪吾寶萬行先求成

名相既雙寂繁華奚所榮金風扇微涼遠煙凝翠晶松
院靜苔色竹房深磬聲境幽真慮恬道勝外物輕意適

本非說含毫空復情

中春麟德殿會百寮觀新樂詩一章章十六句

貞元十四年二月戊午上梨中春麟德殿會百
寮觀新樂詩令太子書示百官序曰朕以中春
之首紀為令節聽政之暇韻於歌詩象中和之
客作中和之舞聊復成篇其詩八韻中書門下
謝賜詩請頒示
天下編入樂府

芳歲肇佳節物華當仲春乾坤既昭泰煙景含氤氲德

淺荷玄貺樂成思治

一作思治

人前庭列鐘鼓廣殿延羣臣

八卦隨舞意五音轉曲新顧非咸池奏庶協南風熏式

宴禮所重浹歡情必均同和諒在茲萬國希可親

九日絕句

禁苑秋來爽氣多昆明風動起滄波中流簫鼓誠堪賞
詎假橫汾發櫂歌

文宗皇帝

帝諱昂穆宗第二子初名涵封江王寶曆二年即位恭
儉儒雅聽政之暇博通羣籍顧謂左右曰若不甲夜視
事乙夜觀書何以為人君每試進士親裁題目及所司

進所試披覽吟詠終日忘倦延學士於內庭討論經義
好製五言古調清峻常欲置詩博士李珣言今翰林學
士皆能文詞且古今篇什足可怡悅聖情乃止又嘗與
宰相論詩之工拙鄭覃曰詩之工者無若三百篇皆國
人作之以刺美時政王者采之以觀風俗後代詞人華
而不實無補於事帝甚重其言在位十三年謚曰昭獻
今存詩七首

暮春喜雨詩

開成元年三月
觀內人賽雨賦

風雲喜際會雷雨遂流滋薦幣虛陳禮動天寶精思漸
侵九夏節復在三春時霖霖垂朱闕飄飄入綠墀郊坰
既霑足黍稷有豐期百辟同康樂萬方佇雍熙

題程修已竹障

修已冀州人學周昉畫嘗畫竹障於文思殿帝賜以詩朝士皆

奉詔
繼和

良工運精思巧極似有神臨窗忽覩繁陰合再盼真假

殊未分

後二句一作臨窗時
乍覩繁陰合再明

宮中題

太和九年李訓鄭注敗後仇士良愈專恣上登臨遊幸未嘗為樂或瞠目獨語

左右莫敢進
問因賦此詩

輦路生春

一作秋

草上林花發時

一作滿枝

憑高何限意無復

侍臣知

上巳日賜裴度

裴度拜中書令以疾未任朝謝上巳曲江賜宴羣臣賦詩帝遣

中使賜度詩仍賜御札曰朕詩集中要有卿倡和詩故令示此卿疾未差可異日進來御札及

門而

度薨

注想待元老識君恨不早我家柱石衰憂來學丘禱

上元日二首

上元高會集羣仙心齋何事欲祈年
丹誠儻徹玉帝座且共吾人慶大田

萱生三五葉初齊上元羽客出桃蹊
不愛仙家登真訣願蒙四海福黔黎

夏日聯句

開成三年夏日與學士聯句時五學士屬和帝獨謂柳公權詞清意足

人皆苦炎熱我愛夏日長
帝熏風自南來殿閣生微涼

柳公權

宣宗皇帝

帝諱忱憲宗第十三子初名怡封光王會昌六年立為
皇太叔恭儉好善虛襟聽納大中之政有貞觀風每曲
宴與學士倡和公卿出鎮多賦詩餞行重科第留心貢
舉常微行采輿論察知選士之得失其對朝臣必問及
第與所試詩賦題主司姓氏苟有科名對者必大喜或
佳人物偶不中第必歎息移時常於內自題鄉貢進士
李道龍云在位十三年諡曰獻文詩六首

百丈山

唐溪詩話帝為光王時為武宗所忌
多晦迹為方外遊至百丈山作詩云

大雄真跡枕危巒梵宇層樓聳萬般日月每從肩上過
山河長在掌中看仙峰不間三春秀靈境何時六月寒
更有上方人罕到暮鐘朝磬碧雲端

弔白居易

綴玉聯珠六十年誰教冥路作詩仙浮雲不繫名居易
造化無爲字樂天童子解吟長恨曲胡兒能唱琵琶篇
文章已滿行人耳一度思鄉一愴然

幸華嚴寺

雲散晴山幾萬重
煙收春色更冲融
帳殿出空登碧漢
遐川俯望色藍籠
林光入戶低韶景
嶺氣通宵展霽風
今日追遊何所似
莫慙漢武賞汾中

重陽錫宴羣臣

時收復河湟

款塞旋征騎
和戎委廟賢
傾心方倚注
叶力共安邊

題涇縣水西寺

一作題嘉興水西寺

大殿連雲接爽

一作賞

溪鐘聲還與鼓聲齊
長安若問江

南事
說道風光在水西

瀑布聯句

詩史云帝遊方外至黃檗與黃檗禪師同觀瀑布聯句

佛祖統紀云帝

至廬山與香嚴間禪師詠時黃檗在海昌詩史誤

千巖萬壑不辭勞遠看方知出處高

黃檗溪澗豈能留得

佳終歸大海作波濤帝

句

海岳宴咸通

南部新書云宣皇置秦邊陲曲有此句後懿皇以咸通建號其先兆也

七載秉鈞調四序二方獄市獲來蘇

大中九年七月甲午崔鉉由左僕射

為淮南節度帝於太液亭宴餞賜詩有七載秉鈞之句儒者榮之

昭宗皇帝

帝諱煜懿宗第七子初名傑封壽王文德元年立為皇
太弟在位十四年帝攻書好文而承廣明寇亂之後唐
祚日衰遺詩隻韻皆其播遷所製也

詠雷句

紀事云天復元年帝為鳳翔兵劫幸岐
城一日大雷雨牛馬震死街西古槐殿

東鵠吻立碎

帝為詩云

只解劈牛兼劈樹不能誅惡與誅兇

紀事又云帝在洛
日憂不測與皇后

內人唯沈飲自寬嘗歌云紇干山頭凍殺雀
何不飛去生處樂此古語帝述之者附記



御定全唐詩卷四